

ԱՂԱՎՆԻ ՀԱՐՈՒԹՅՈՒՆՅԱՆ

ԼԻԲԱՆԱՆՅԱՆ «ՀԻՋՔԱԼԼԱՀԸ» ՈՐՊԵՏ ՏԱՐԱԾԱՇՐՋԱՆԱՅԻՆ ՌԱԶՄԱԶԱՂԱԶԱԿԱՆ ԳՈՐԾՈՆ

Իսլամի պատմության նպագային շրջանի համայն առավել հատկանշական է դարձել կրոնաքաղաքական շարժումների ակտիվացումը, որոնց հիմքում թեև ընկած է աստվածաբանական ենթատեքստը, այնուամենայնիվ, առավել համակողմանի ուսումնասիրություններն ու վերլուծությունները ցույց են տալիս, որ իսլամի դրոշի տակ հանդես եկող հասարակական-քաղաքական խոսանքները նվազագույն չափով են կապված կրոնական ու խոգևոր ուրյունների հետ՝ հիմնավորապես առաջնորդվելով սոցիալ-տնտեսական և քաղաքական նկատառումներով: Ակնհայտ է, որ իսլամիստների գործունեության ակտիվացմանը նպաստեց մերձավորարևելյան հակամարտության կարգավորման գործընթացում ստեղծված փակուղային իրավիճակը՝ զգալիորեն ընդլայնելով տարածաշրջանի հակամարտությունների շրջանակը, որոնց ուժային դաշտը համարվում էր արաբա-իսրայելական հակամարտությունն ու համաշխարհային երկու հակամարտող համակարգերի առճակատումը: Իսկ արաբա-իսրայելական պատերազմներում սեփական իշխանությունների կողմից «փոքր» Իսրայելին հաղթելու անկարողությունը, ԱՄՆ-ի վարած իսրայելամետ քաղաքականությունը և «չափավոր» արաբական վարչախմբերի հետ ԱՄՆ-ի համագործակցությունը, մուսուլմանական միջավայրում Սիսցայի Նահանգների և ճրան սատարող երկրների ու քաղաքական ուժերի նկատմամբ ծայրահեղ հակակրանք և անհանդուրժողականության մթնոլորտ ստեղծեցին:

Վերոհիշյալ գործընթացների համատեքստում առանձնահատուկ ուշադրության է արժանի ինչպես զրոքալ ու տարածաշրջանային, այնպես էլ կլանային ու ներհամայնքային հակամարտությունների մարտադաշտի վերածված Լիբանանը, որտեղ 70-ականներին ամուր պետականության քաջակայության, միջհամայնքային հակամարտությունների սրման հետևանքով ճրանց միջև հաստատված դաշինքի՝ թուլացման արդյունքում սկիզբ առած ճգնաժամը, զուգակցվելով պաղեստինյան գործունի հետ, արտահայտվեց կրոնա-դավանական համակարգի դեմ պայքարի

շարժումներով և ծախսաթևյան կազմակերպությունների վերելքով: Վերջիններս, հիասթափված աշխարհիկ կուսակցությունների կողմից ներքաղաքական իրավիճակի կարգավորման անգործությունից, առկա խնդիրներին լուծման ճանապարհը տեսնում էին «ճշմարիտ խլամիճ» վերադարձնալու մեջ:

Երկրում տեղ գտած ժողովրդագրական փոփոխություններով էր պայմանավորված նաև գերակշռություն կազմող մուսուլմանների կողմից ստատուս քվոյի մերժումը², որոնց դժգոհությունն արտահայտվում էր տարբեր քաղաքական հոսանքների ձևով՝ բևեռացնելով հասարակությունը՝ ի վերջո թուլացնելով երկրի քաղաքական համակարգը:

Ուստի պատահական չէ, որ այդ գործընթացներում մեծ դերակատարություն ունեցավ երկրի խոշորագույն, սակայն տնտեսապես ամենաունապահով և քաղաքականապես վատ կազմակերպված շիա համայնքը³, որին ներկայացնող կրոնա-քաղաքական կազմակերպությունները հանդես եկան իրենց նկրտումներին այլևս չհամապատասխանող պետական կրոնադավանական համակարգի վերացման օգտին:

Շիա համայնքի զարթոնքը մեծապես պայմանավորվեց նաև Մուսա Սադրի խարիզմատիկ անձով, որը 1974 թ. գլխավորեց շիա նշանավոր կրոնական առաջնորդներին միավորող Գերագույն խլամական խորհուրդը՝ սկիզբ դնելով քաղաքական հավասարության և սոցիալական արդարության համար պայքարող «Զրկվածների Շարժմանը», իսկ 1975 թ. հիմնադրելով շարժման զինված թևը՝ «ԱՄԱԼ» կազմակերպությունը⁴:

«ԱՄԱԼ»-ի հզորացմանն ու Լիբանանում շիա շարժման արմատականացմանը նպաստեցին մի ամբողջ շարք իրադարձություններ՝ 1975 թ-ից սկիզբ առած Լիբանանի քաղաքացիական պատերազմը, 1978 թ. Մուսա Սադրի անհետացման հանգամանքը, 1979 թ. Իրանի խլամական հեղափոխությունը, 1978 և 1982 թթ. Իսրայելի ներխուժումները Լիբանան և այլն: Մուսա Սադրի անհետացումից հետո⁵ Լիբանանի շիա համայնքը արուսբ ազգայնականներից ու ծախականներից իրենց հայացքներն ուղղեցին դեպի «ԱՄԱԼ»-ի կողմը, որի ղեկավարությունը, Նաբիի Բերիի գլխավորությամբ, կդերականից վերածվեց աշխարհիկի: Վերջինս, չնայած Իրանի հետ ունեցած կապերին, «ԱՄԱԼ»-ը տարավ ազգայնական ճանապարհով, որի նպատակը մյուս համայնքների հետ քաղաքական և տնտեսական հավասար պայմանների ստեղծման ուղղությամբ բարեփոխումների իրականացումն էր⁶:

Այնուհետև, Իրանի հեղափոխությունից հետո, Թեհրանը ձգտում էր «խլամական հեղափոխությունն արտահանել»՝ Մերձավոր ու Միջին Արևելքի երկրներ՝ իսլամը որպես ազդեցության տարածման լծակ օգտագործելով վերջիններիս նկատմամբ: Ուստի, օգտվելով 1982 թ. հունիսին Իսրայելի կողմից Լիբանան ներխուժելու հանգամանքից, Իրանը, Սիրիայի թույլտվությամբ, Բեքաայի հովիտ (որն այդ ժամանակ Սիրիա-

յի վերահսկողության տակ էր գտնվում) ուղարկեց «Իրանի հեղափոխական պահակազորի» 1000 փաստարանների⁷։ Լիբանանի իրսնամետ շիա շարժմանն օգնություն տրամադրելու նպատակով։ Եթե 80-ականներին շիա համայնքում իր դիրքերն ամրապնդած Նաբիի Բերին չէր ցանկանում ազդեցությունը կորցնել դեպի Իրանը կողմնորաշփոխ իր համայնքի նկատմամբ, ապա Սիրիան չէր ցանկանում Թեհրանի կղերական վարչախմբին Լիբանանի ներքին գործերում ուղղակի միջամտության հնարավորություն ընձեռել⁸։ Իրանն իր հերթին, հզոր քաղաքարշավ կազմակերպեց Նաբիի Բերիի նկատմամբ՝ միաժամանակ մեծ գաղափարական և ֆինանսական օժանդակություն ցուցաբերելով նրա տեղակալ Հուսեյն Սուսավիին, որն իր կողմնակիցների հետ հեռանալով «ԱՍՄԼ»-ի շարքերից, նոր կազմակերպություն հիմնադրեց՝ դառնալով Լիբանանում իրանական արտաքին քաղաքականության իրականացման գլխավոր գործիքներից մեկը⁹։ Միևնույն ժամանակ, Նաբիի Բերիի հետ իր քաղաքական հայացքները չկիսող «ԱՍՄԼ»-ի անդամ Իբրահիմ ալ-Ամինը, Մուհամմեդ Հուսեյն Ֆադլալահի¹⁰ ակտիվ մասնակցությամբ, Բաայբեկում ձեռնամուխ եղավ լիբանանյան «Հիզբսղլահ» կազմակերպության¹¹ («Աստծո կուսակցության») ստեղծման գործին¹²։ «Հիզբսղլահի» հետևորդների հոգևոր ու ֆինանսական կնքահայրը դարձավ այաթոլլահ Խոմեյնին, որի կողմից կազմակերպությանը տրամադրվող ֆինանսական և ռազմական օգնությունը խորապես գաղափարականացված էր և խարխսխվում էր պատմական խոր արմատներ ունեցող շիական դոկտրինայի ու գաղափարական դրույթների վրա՝ բացառելով Իսրայելի պետության գոյության փաստի ճանաչումը։

Կազմակերպչական առումով «Հիզբսղլահը» շատ ավելի հիշեցնում էր ազատ կառույց ունեցող գաղափարական շարժում, քան կուսակցություն¹³։ Այն գաղափարապես մոտ կանգնած խմբերի և զինյալ ջոկատների դաշինք էր, որոնք գործում էին Բեյրութում, Բեքաայի հովտում ու Հալաբային Լիբանանում։

1985 թ. իրսնամետ ծայրահեղական կազմակերպությունների մասնակցությամբ Իրանում կայացած խորհրդածողովի ժամանակ «Հիզբսղլահի», «ԱՍՄԼ Իսլամիի» և լիբանանյան այլ խմբավորումների առաջնորդներն իրենց երկարաժամկետ ծրագրային նպատակներ հայտարարեցին ալ-Զուդս սուրբ քաղաքի և Լիբանանի հարավի գրավյալ տարածքների ազատագրումը, Իսրայելի՝ մասնավորապես սիոնիզմի, ԱՄՆ-ի, Ֆրանսիայի և արևմտամետ արաբական վարչախմբերի¹⁴ դեմ պայքարի ծավալումը, նահատակության և ինքագոհաբերման գնով «Աստծո բշնամիներին» ոչնչացումը, Լիբանանում իրանական տիպի իսլամական հանրապետության ստեղծումը¹⁵։

Կազմակերպությունը մշտապես հետապնդել է համախալամական ու միջազգային նպատակներ, սրի անունն իսկ խոսում է պայքարի վերագ-

գային բնույթի մասին՝ որպես համամոսուլմանական շարժում, և իրեն դիտում է իբրև համաշխարհային իսլամական հեղափոխության մարտիկ: Կազմակերպության ռազմական թևի արագ աճը՝ զուգակցվելով ինքնագոհության ու մահատակության շիա փոկորինայի կիրառման հետ, ավելի քան 20-ամյա գործունեության ընթացքում դրսևորվել է արևմտյան¹⁶ ու իսրայելական թիրախների դեմ «գլոբալ ջիհադի» մաս կազմող ահաբեկչական գործողություններում ու պատանդների առևանգումներում:

Եթե 1983-84 թթ. Բեյրութում՝ «Հիզբալլահի» կողմից ամերիկյան ու ֆրանսիական թիրախների նկատմամբ ահաբեկչական գործողությունները նպաստեցին 1984 թ. երկրից ամերիկյան ու Բազմազգ Ուժերի (MNF) հեռացմանը, ապա 1983-85 թթ. իսրայելական օկուպացիոն ուժերի դեմ ռմբահարումները հանգեցրին 1985 թ. կենտրոնական Լիբանանից իսրայելական ուժերի փոքր բերմանը¹⁷: Վերոհիշյալ իրադարձությունները նպաստեցին շիա համայնքի դերի բարձրացմանը ինչպես միջազգային, այնպես էլ լիբանանյան քաղաքական թատերաբեմում¹⁸:

80-ականների երկրորդ կեսին «Հիզբալլահի» ռազմական և սոցիալ-տնտեսական դիրքերի ամրապնդումը, հատկապես «ԱՄԱԼ»-ի ավանդական ազդեցության շրջաններում, հանգեցրին երկու կազմակերպությունների միջև մրցակցության աճին, որը 1988 թ., ընդունելով ռազմական սուր բախումների տեսք, հնարավոր եղավ կասեցնել միայն Դամասկոսի միջամտությամբ: Հարկ է նշել, որ վերջինս «Հիզբալլահին» մշտապես դիտել է թե՛ որպես շահավետ պայմաններով Գոլանի բարձունքների վերադարձման ուղղությամբ Իսրայելի վրա ազդելու արդյունավետ լծակ, և թե՛ որպես տարածաշրջանում իսրայելական ուժերի ներկայության երկարաձգման պայմաններում սիրիական ռազմական գորակազմի պահպանման անհրաժեշտությունն արդարացնող միջոց: Թերևս դրանով է բացատրվում այն հանգամանքը, որ Սիրիան՝ «Հիզբալլահին» տրամադրվող ռազմաքաղաքական և քարոզչական աջակցությանը զուգահեռ, մշտապես ձգտել է սահմանափակել կազմակերպության գործողությունների ազատությունը՝ հատկապես պաղեստինյան ինքիֆադային (ապստամբությանը) սատարելու հարցում: Ուստի Լիբանանում և ընդհանրապես տարածաշրջանում «Հիզբալլահի» ու Դամասկոսի հետապնդած շահերի երբեմնի անհամատեղելիության հանգամանքով է պայմանավորված Իսրայելի դեմ գործողություններում «խաղի սահմանված կառուցումներին» հետամուտ լինելու ուղղությամբ Սիրիայի կողմից «Հիզբալլահին» ուշի ուշով հսկելու անհրաժեշտությունը:

Այնուհանդերձ, 1989 թ. փետրվարին ԱՄՆ-ի, Սաուդյան Արաբիայի և Սիրիայի իսլամավորությամբ կնքված Տաիֆի համաձայնագրով¹⁹ Սիրիային հաջողվեց կասեցնել «Հիզբալլահի» զինաթափումը՝ նրան պահելով որպես զինվորական կառույց ունեցող միակ լիբանանյան կազմա-

կերպարթյան, որը 1991 թ. վերածվեց երկրի հարավում խորայնական գործերի դեմ գործող լիբանանյան դիմադրության ռազմական աուսջատար ուժի:

Հետագայում, 1989 թ. այսթյուլան խումեյնու մահվան²⁰, 1991 թ. Ծոցի պատերազմից հետո ԱՄՆ-ի միջազգային դերի բարձրացման, 1991 թ. կոմունիստական դաշինքի փլուզման, արաբա-իսլամական խաղաղության գործընթացի քիսցյուլ կարգավորման, Սիրիայի՝ ահաբեկչությանը սուտարող երկրների պիտակից ազատվելու և Արևմուտքի հետ իր հարաբերաթյունների բարելավման ցանկությամբ էր պայմանավորված 1990-ականներին Արևմուտքի դեմ «Հիզբալլահի» միջազգային ահաբեկչական գործունեության ակտիվության թուլացման հանգամանքը, որը 1990-ականների սկզբներին զատ կիսառազմական ծայրահեղ տիպի խմբավորումից սկսեց աստիճանաբար վերածվել լիբանանյան հասարակական-քաղաքական ակտիվ ուժի: Կազմակերպության ներսում «Հսւփափորների» (Հասան Նասրալլահի) ու «արմատականների» (Սուբհի Թուֆեյի) միջև փոխզիջում ապահովելուց և «ԱՄԱԼ»-ի հետ հաշտություն կնքելուց հետո (այս հարցում չի բացառվում Սիրիայի միջամտությունը), 1992 թ. աշնանը կայացած խորհրդարանական ընտրությունների ժամանակ «Հիզբալլահը»՝ «ԱՄԱԼ»-ի հետ դաշինքի կայացման շնորհիվ, երկրի օրենսդիր մարմնում պատգամավորական ութ տեղ զբաղեցրեց՝ 2000 թ. խորհրդարանական ընտրություններին դրանք ավելացնելով ևս երկուսով²¹:

«Հիզբալլահի» հակախորայնական ակտիվ պայքարի արդյունքում 2000 թ. մայիսի 24-ին Լիբանանի հարավից խորայնական գործերի դուրս բերման (այս հարցում թերևս Սիրիայի կողմից Իսրայելի նկատմամբ հեռահար քաղաքական նկատառումները ևս դեր ունեցան), իսկ սեպտեմբերի 28-ից Իսրայելի դեմ այսպես կոչված պաղեստինյան երկրորդ ինթիֆադային²² աջակցության շնորհիվ «Հիզբալլահը» վերածվեց տարածաշրջանային ռազմաքաղաքական լուրջ գործունի, որը նրան ակտիվ դերակատարության հնարավորության ընձեռեց ինչպես Լիբանանի, այնպես էլ ողջ տարածաշրջանի ներքաղաքական զարգացումներում: Այդ է առասպելիկորեն վկայում 2000 թ. հունիսին ՍԱԿ-ի գլխավոր քարտուղար Քոֆի Անանի մերձավորարևելյան շրջագայության ընթացքում Լիբանանում «Հիզբալլահի» առաջնորդ Հասան Նասրալահի հետ հանդիպման հանգամանքը, որը որոշ ՁԼՄ-ներ գնահատեցին որպես միջազգային հանրության կողմից կազմակերպության գործունեության օրինականության, կամ առնվազն՝ որպես քաղաքական կազմակերպության ճանաչման փաստ²³:

Մինևոյն ժամանակ, «Հիզբալլահն» իր գործունեությամբ ցույց տվեց, որ որոշ պայմաններում ի գործ է մահ բանակցել Իսրայելի հետ՝ համաձայնության գալով «խորայնական անվտանգության գոտու» շուրջ՝ բնա-

կավայրերի վրա փոխադարձ չհարձակման վերաբերյալ պայմանավորվածության ձեռք բերման ուղղությամբ²⁴:

Սակայն 2001թ. սեպտեմբերի 11-ի իրադարձությունները և ԱՄՆ-ի հայտարարած «ահաբեկչության դեմ պատերազմը» սկսեցին սպառնալ «Հիզբալլաի» ռազմավարական վերոհիշյալ ձեռքբերումներին, քանզի ԱՄՆ-ի որդեգրած հետսեպտեմբերյան քաղաքականությունը (սպ-Ղալի-դայի դեմ պայքարը, Իրաքի պատերազմը) մեծացրեց նաև «Հիզբալլա-ի» և նրա հովանավոր պետությունների՝ որպես «չարիքի առանցքի» դեմ շարունակվող ռազմալուծարման քիլաիս դառնալու հավանականությունը²⁵:

Հարկ եմ համարում նշել, որ ԱՄՆ-ի վարած «պատերազմն ահաբեկչության դեմ», լստ իս, ցանկալի արդյունքի չի հասնի այնքան ժամանակ, քանի դեռ Սիացյալ Նահանգները պայքարում է ոչ թե ահաբեկչության պատճառների, այլև նրա հետևանքների դեմ:

AGHAVNI HARUTYUNIAN

LEBANON HIZBALLAH AS MILITARY AND POLITICAL FACTOR IN THE REGION

Hizballah is religious and political movement, which was born of terrorism in the 1980s, developed guerrilla warfare capabilities in the 1990s, and by the beginning of the new millennium, had matured into an important Middle East strategic player, capable of influencing the course of peace and war in the region. At the organizational level, Hizballah has evolved significantly from a loose, mysterious umbrella group under the guidance of Ayatollah Ruhollah Khomeini of Iran, to a movement collectively led by various shaykhs and warlords, to a well-knit, disciplined organization under the guidance of its own charismatic leader, Hassan Nasrallah.

ԾԱՆՈԹԱԳՐՈՒԹՅՈՒՆՆԵՐ

1. Ն.Հ.Հովհաննիսյան., Լիբանանի ճգնաժամը և Լիբանանի հայ համայնքի դիրքորոշումը, Երևան, 1982 թ., էջ 7-10:
2. 1932 թ. մարդահամարի տվյալների համաձայն, շիաները կազմում էին երկրի ընդհանուր բնակչության ընդամենը 18 %-ը, 1968 թ.՝ 30%-ը, իսկ 1990-ականներին բնակչության 1/3-ից ավելին (շիաները 1 մլն. էին, մինչդեռ երկրի ողջ բնակչությունը՝ 2,5-3 մլն.): Շիաները բնակվում էին երկրի հարավում, Բեյրութի հարավային արվարձաններում և Բեքաայի հովտում: Նրանք դարձրել շարունակ կրոնական ու մշակութային սերտ կապեր են պահպանել Իրանի ու Իրաքի շիաների հետ:
3. Ջոն Էսպոզիտո, Իսլամական սպառնալիք. Առասպել, թե իրականություն: Երևան, «Նաիրի», 2003, էջ 178:

4. «ԱՄԱԼ»-ը հապավում է՝ «Դիմադրության լիբանանյան գումարտակներ» («Ավֆսուջ ալ-մուրավիմա ալ-լուբնանիյա»), որը մաս «հույս» է նշանակում: Մինչ «ԱՄԱԼ»-ի ստեղծումը, շիաները Լիբանանի զինված խմբավորում չունեցող միակ համայնքն էին:
5. 1978 թ. Մոսամար Զադաֆիի հետ հանդիպման նպատակով Լիբիա կատարած այցի ընթացքում Մուսա Սադրի խորհրդավոր անհետացումը շրջադարձային իրադարձություն հանդիսացավ «ԱՄԱԼ»-ի պատմության մեջ, քանի որ սեփական մահատակի ու իմամի առկայության հանգամանքը պոտենցիալ հնարավորություն էր ընձեռում շիա համայնքի ներքին տարածայնությունների հաղթահարման համար (մրա անհետացումը կապվում էր 9-րդ դարում անհետացած վերջին շիա իմամի մահատակության շիա ղոկտրի-նայի և «ծպոյալ իմամի» պաշտամունքի հետ, որի վերադարձը սպասվում էր):
6. Ջոն Էսպոլիտո, Իսլամական սպառնալիք. Առասպել, թե իրականություն: Երևան, «Նաիրի», 2003, էջ 178:
7. Gary C. Gambill and Ziad K. Abdelnour, Hezbollah: Between Tehran and Damascus, - (Middle East Intelligence Bulletin), Vol. 4 No. 2. February 2002, p. 1. «Իրանի հիդափոխական պահակազորի» փաստարանները (մարտիկները), ուսումնափարժանքներ են անցկացրել «Հիզբալլահի» ռազմական քնն ներկայացնող մարտիկների հետ:
8. Питер Кальвокоресси, Мировая политика после 1945 года, Книга 1, Москва "Международные отношения", 2000, стр. 515
9. В.Махмедов, Ливанская "Хезболла" как "Центр силы" на Ближнем Востоке, - Информационный Центр Северная Африка, Ближний и Средний Восток, Исламизм и экстремизм на Ближнем Востоке (сборник статей). М., 2001, стр. 3. Ինտերնետային հասցեն՝ (www.middleeast.narod.ru/research/livan.htm).
10. Այդ ժամանակ Ֆադլալահը ղեկավարում էր երկու միություններ՝ «Եղբայրական գերդաստանը» և «Լիբանանի իսլամական ուսանողների միությունը», իսկ հետագայում դարձավ «Հիզբալլահի» հոգևոր առաջնորդը՝ մուջթահիդը:
11. Մամրամասն տե՛ս Gary C. Gambill and Ziad K. Abdelnour, Hezbollah: Between Tehran and Damascus, (Middle East Intelligence Bulletin), vol. 4, No 2, February 2002, p. 1. Ինտերնետային հասցեն՝ (www.meib.org/articles/0202_11.htm).
12. Լիբանանյան «Հիզբալլահի» պատմության արձատները գնում են դեպի Իրաք, որը 1950-70-ականներին վերածվել էր լիբանանյան շիաների քաղաքական կենտրոնի (Իրաքի Նաջաֆ քաղաքը իսլամական հայտնի կենտրոն էր, որտեղ հաստատվել էին շիա նշանավոր այաթոլլահներից ու գիտնականներից շատերը): Այստեղ էր դասավանդել մաս այաթոլլահ Խոմեյնին իր 13-ամյա արսորի՝ 1965-78 թթ. ընթացքում): 1960-ականների վերջերին այն ժամանակ միակ շիա իրաքյան արձատական ֆունդամենտալիստական «Կոչի կոաակցությանը» («Ադ-Դաավա») զուգահեռ ձևավորվեց լիբանանյան թևը, որի մեջ մտան «Հիզբալլահի» ներկայիս առաջնորդներ Մ.Ֆադլալահը, Մ.Թուֆեյիյին, Խ.Կուրանին, Մ.Շամսուդին, Մ.Սադրը: «Դաավիստներ-

րի» քվին, որոշ տվյալների համաձայն. պատկանում էին մահ «Հիզբալլահի» ներկայիս գլխավոր քարտուղար Հասան Նասրալահը, նրա տեղակալ Նաիմ Քասիմը, Մուհամմեդ Յազբեկը, Հուսեյն Հաուրան և այլոք: Վերջիններիս գործունեության սկիզբը կապված էր «բաալբեկյան աստվածաբանական դպրոցի» հետ, որտեղ ակտիվորեն ուսուցանվում էր ՄիՍադրի ուսմունքը: 1985 թ. ժամիֆեստում «Հիզբալլահի» ղեկավարությունն իր հավատարմությունն արտահայտեց այսօրվա խոնջինիին և հայտնեց Լիբանանում իսլամական պետության հաստատման իրենց մտադրության մասին:

13. Կազմակերպության բարձրագույն ղեկավար մարմիններն են՝ Հոգևոր անուջնորդը, Համագումարը, Խորհրդակցական մարմինը, Քաղբյուրոն, Կենտրոնական գործադիր մարմինը: Նրա «Խսլամական դիմադրություն» անվան խմբավորումը լավ կազմակերպված, գաղտնի գործող և բարձր որակավորմամբ 300-500 արհեստավարժ մարտիկներից կազմված ռազմական կառույց է, որը բավականաչափ անկախ է իր գործողություններում, և որի կապը կազմակերպության քաղաքական ղեկավարության հետ պայմանական ու սահմանափակ բնույթ է կրում: 1990-ականներին «Հիզբալլահի» անդամների թիվը կազմում էր 8-10.000 մարդ: Կազմակերպությունը ահաբեկչությունն ու պատանդների առևանգումներն օգտագործում է որպես պայքարի ռազմավարական արդյունավետ միջոց:

14. Սաուդյան Արաբիա, Բահրեյն, Հորդանան, Քուվեյթ, ԱՄԷ:

15. Ջոն Էսպոզիտո, Իսլամական սպառնալիք. Առասպել², թե իրականություն: Երևան, «Նաիրի», 2003, էջ 182:

16. Ըստ «Հիզբալլահի», ԱՄՆ-ը, Ֆրանսիան և Բրիտանիան իրենց սկզբունքային թշնամիներն են՝ կապված Մերձավոր Արևելքում վերջիններիս վարած գաղութային ու նեոիմպերիալիստական քաղաքականության հետ: «Հիզբալլահի» ահաբեկչական գործունեությունը տարածվում է մահ Հարավային Ամերիկայում, Ասիական երկրներում, Կանադայում, Եվրոպայում և այլ երկրներում արևմտյան՝ հատկապես ամերիկյան և իսրայելական շահերը ներկայացնող անձանց ու հաստատությունների նկատմամբ: Մանրամասն տես Ely Karmon, "Fight on all Fronts" Hizballah, the War on Terror, and the War in Iraq.- Policy Focus, The Washington Institute, (Research Memorandum), No. 46, December 2003, p. 6-8.

17. Մանրամասն տես Polk William "The Arab World Today", Harward University Press, 1991, p. 355.

18. Itamar Rabinovich, The War For Lebanon 1970-1985, Cornell University Press, 1985, p. 179.

19. Ա.Ա.Հարությունյան, Սիրիա-լիբանանյան Թայեֆի համաձայնագիրը, -Հանդես Երևանի համալսարանի (գիտահիմնադրամի լրատու), N 1(96), Երևան-2000, էջ 111-117: «Հիզբալլահը» սկզբում չընդունեց համաձայնագրի պայմանները. որոնց համաձայն խորհրդարանի պատգամավորական տեղերը համաձայնություն չէին բաժանվում էին քրիստոնյա և մուսուլման ներկայացուցիչների միջև՝ բացառելով երկրի մախազահի ու վաղապետի պաշտոնի ստանձնելու միջոցով կառավարության նկատմամբ վերահսկողության իրականացման հնարավորությունը:

20. Խոմենյու մահվանից հիստ նոր մախսազահ Հաշեմի Ռաֆասնջանին հրա-
ժարվեց Լիբանանում իսլամական պետության ստեղծման նպատակով
«Հիզբալլահին» ցուցաբերվող օժանդակությունից առավել մեծ ուշադրու-
թյուն հատկացնելով Իրանի ներքին գործերին և արտաքին առևտրի զար-
գացմանը: Նա դատապարտում էր նաև կազմակերպության կողմից բռնա-
միների հետ սակարկման նպատակով պատանդներ վերցնելու ռազմավա-
րությունը: Այնուհանդերձ, որոշ տվյալների համաձայն, «Հիզբալլահին»
տրամադրվող Իրանի ամենամյա ֆինանսական օգնությունը կազմում է 65-
100 մլն. դոլլար:
21. Մամրամասն տե՛ս Gary C. Gambill and Ziad K. Abdelnour, Hezbollah:
Between Tchrn and Damascus, (Middle East Intelligence Bulletin), vol. 4, No 2,
February 2002. p. 5-7.
22. «Հիզբալլահը» համագործակցում էր պաղեստինյան ապստամբների հետ՝
նրանց ցուցաբերելով ռազմական աջակցություն՝ ինչպես ուսումնավար-
ժանքների և զինամթերքի տրամադրման, այնպես էլ Շեբաա ֆերմայի
շրջանում Իսրայելի Պաշտպանության Ուժերի դեմ ասհմանային ռազմա-
կան գործողությունների իրականացման ձևով:
23. В.Махмедов, Ливанская “Хезболла” как “Центр силы” на Ближнем
Востоке,- Информационный Центр Северная Африка, Ближний и
Средний Восток, Исламизм и экстремизм на Ближнем Востоке (сборник
статей), М., 2001, с.15.
24. Gary C. Gambill, Hassan Nasrallah Secretary-Gcneral of Hezbollah, (Middle
East Intelligence Bulletin), Vol. 6, No.2/3, February-March 2004, p. 4-5.
Ինտերնետային հասցեն՝ (www.meib.org/articles/0402_Id.htm). Իսրայելի և
Հարավային Լիբանանի Բանակի (SLA) դիրքերի ուղղությամբ «Հիզբալլա-
հի» զրոհների արդյունավետության հանգամանքը պայմանավորված էր
պարտիզանների կողմից «անվտանգության գոտու» մերձակայքի գյուղերը
որպես ապաստարան օգտագործելու մարտավարության կիրառմամբ, ո-
րոնց նկատմամբ 1993 թ. հուլիսին Իսրայելի կողմից օդային ու հրետանա-
յին 7-օրյա ռմբակոծություններից հետո «Հիզբալլահը» 142 կատյուղային
հրթիռներ արձակեց հակառակ ուղղությամբ: Արդյունքում, Իսրայելն ու
«Հիզբալլահը» Լիբանանի ու Իսրայելի քնակավայրերի վրա փոխադարձ
չհարձակման ուղղությամբ ոչ պաշտոնական համաձայնություն ձեռք բերե-
ցին:
25. Ely Karmon. “Fight on all Fronts” Hizballah, the War on Terror, and the War in
Iraq.- Policy Focus, The Washington Institute, (Research Memorandum), No.46,
December 2003, p. 22.